

2022-2023 | საქართველოს ჩემპიონატი

რეგიონული (მეორე) ლიგა

1. მონაწილეთა რაოდენობა: 21

რეგიონული ლიგის გუნდები გეოგრაფიული მდებარეობის მიხედვით

იყოფიან – დასავლეთის ერთ და აღმოსავლეთის ორ – ჯგუფად:

დასავლეთი		აღმოსავლეთი 'ა' ჯგუფი		აღმოსავლეთი 'ბ' ჯგუფი	
1	კოლხი რაინდები ფოთი	1	ჭადარი თელავი	1	რუსთავი რუსთავი
2	დინოზავრი წყალტუბო	2	ივერიელი თბილისი	2	წიქარა თბილისი
3	ფირალები ქედა	3	დევები თბილისი	3	რაშები თბილისი
4	რაგბის კლუბი ზუგდიდი	4	ქისი თელავი	4	ივერია თბილისი
5	აიეტი ვანი	5	არაგველები თბილისი	5	პატარძელთა პატარძელთა
6	ფენიქსი სამტრედია	6	ორიონი თბილისი	6	სოხუმი თბილისი
7	ჯანი ჩოხატაური	7	გარდასახვა თბილისი	7	ლაშარი თბილისი
8	მეკობრეები ბათუმი				

1.1 სათამაშო დღეები: პარასკევი, შაბათი, კვირა

1.2 შეჯიბრში მონაწილეობის მსურველი კლუბმა (გუნდმა) უნდა შეავსოს დანართი #2 (ინფორმაცია კლუბზე). სპეციალურად გამოყოფილ ადგილას მიუთითოს როგორც ბუნებრივსაფარიანი, ასევე ხელოვნურსაფარიანი მოედანის შესახებ ინფორმაცია, რომელზეც აპირებს შესაბამისი შეჯიბრებების მიმდინარეობისას მასპინძელი კლუბის (გუნდის) სტატუსით თამაშების ჩატარებას, და რომელიც უნდა აკმაყოფილებდეს მე-9 მუხლის (რაგბის სათამაშო გარემოს სტანდარტი) მოთხოვნებს. მოედნების არჩევისას გამონაკლისს წარმოადგენს ის სათამაშო მოედნები, რომელიც სრკ-ს წინასწარ აქვს შერჩეული სანაკრებო და ფრენჩაიზის სავარჯიშო და საერთაშორისო მატჩების გამართვის ლოკაციად.

- დანართი #2-ს ხელს აწერს კლუბის (გუნდის) წარმომადგენლობაზე უფლებამოსილი პირი.

1.3 საშეჯიბრო განაცხადი უნდა შეიცავდეს სათანადო წესით რეგისტრირებულ არანაკლებ 32(ოცდათორმეტი) მოთამაშეს.

1.4 სამონაწილეო გადასახადია გუნდზე 500 (ხუთასი) ლარი

1.5 სალიცენზიო გადასახადია მოთამაშეზე 15 (თხუთმეტი) ლარი

2. გათამაშების სისტემა

2.0 შეჯიბრება ტარდება სამ ეტაპად.

2.0.1 I ეტაპი – რეგულარულ ჩემპიონატი – გაიმართება ორ წრედ:

ჯგუფებში ცალ-ცალკე: მიმოსვლით – შინ და გარეთ (ჯგუფების მიხედვით 14-12 ტურად)

2.0.2 II ეტაპი – საკლასიფიკაციო დუელი (მხოლოდ აღმოსავლეთ ჯგუფებისთვის)

აღმოსავლეთ ჯგუფების პირველ-ადგილოსნები ერთმანეთს ეთამაშებიან ორ-თამაშიან დუელს

აღმოსავლეთ 1 და აღმოსავლეთ 2-ის ვინაობის გასარკვევად

2.0.3 ლიგის ჩემპიონი გამოვლინდება III ეტაპზე – პლეი-ოფში

ამ ეტაპზე მონაწილეობს დასავლეთ და აღმოსავლეთ ჯგუფების ორ-ორი (2-2) მოწინავე გუნდი – სულ ოთხი (4)

2.1 I ეტაპზე (რეგულარულ ჩემპიონატში) ადგილები განაწილდება დაგროვილი ქულებით

2.1.1 თუ ორ ან მეტ გუნდს დაუგროვდა ტოლი ქულა, დაწინაურდება ის გუნდი,

ა) რომელმაც დააგროვა მეტი (საცხრილო) ქულა ორ ურთიერთ-შეხვედრაში

ბ) რომელსაც გატანილი და მიღებული ქულების (ბურთების) უკეთესი სხვაობა ექნება ორ ურთიერთ-შეხვედრაში

გ) რომელსაც გატანილი და მიღებული ლელოების უკეთესი სხვაობა ექნება ორ ურთიერთ-შეხვედრაში

დ) რომელსაც გატანილი და მიღებული ქულების (ბურთების) უკეთესი სხვაობა ექნება ეტაპის ორ წრეში

ე) რომელსაც გატანილი და მიღებული ლელოების უკეთესი სხვაობა ექნება ეტაპის ორ წრეში

ვ) რომელიც ნაკლებ დისციპლინარულ სასჯელს (ჯერ წითელ, მერე ყვითელ ბარათს) მიიღებს ეტაპის ორ წრეში

2.2 II ეტაპზე თამაშები გაიმართება შინ და გარეთ.

პირველ შეხვედრაში მასპინძელი წილისყრით გამოვლინდება.

გამარჯვებულ გუნდს **III ეტაპზე** მიენიჭება ადგილი **აღმ 1**, დამარცხებულს - **აღმ 2**

2.2.1 დუელის გამარჯვებული გამოვლინდება ორი თამაშის ჯამური ანგარიშით ამ მატჩებში ბონუსების დარიცხვა არ ხდება

2.2.2.2 აღმოსავლეთის ფინალში ჯამურ ფრეზე ინიშნება ორი დამატებითი, 10-წუთიანი ტაიმი

2.2.2.3 თუ გამარჯვებული ამის შემდეგაც ვერ გამოვლინდა, გამარჯვებულად ცხადდება ის გუნდი:

ა) რომელმაც მეტი ლელო გაიტანა ამ ორ მატჩში

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ ორ მატჩში

გ) რომელიც მოიგებს მატჩის შემდეგ დანიშნულ შუთაუთს – 5 დარტყმა მიწიდან, 22-მეტრა ხაზზე, სამი ადგილიდან (დანართი #11)

2.3 ჩემპიონატის III ეტაპზე – პლეი-ოფში – თამაშები გაიმართება

ჯვარედინი სქემით, ორ (2) ტურად

"მასპინძლობს" ნიშნავს "ირჩევს მოედანს"

2.3.1 პირველ ტურში ორი ორ-მატჩა ნახევარ-ფინალური დუელია

დას 1 – აღმ 2

აღმ 1 – დას 2

2.3.1.1 თამაშები გაიმართება შინ და გარეთ. პირველ შეხვედრაში მასპინძელია ჯგუფის მეორე გუნდი (**დას 2, აღმ 2**)

გამარჯვებულები გადიან **ფინალში**

2.3.1.2 დუელის გამარჯვებული გამოვლინდება ორი თამაშის ჯამური ანგარიშით ამ მატჩებში ბონუსების დარიცხვა არ ხდება

2.3.1.3 დუელში ჯამურ ფრეზე გამარჯვებულად გამოცხადდება ის გუნდი,

ა) რომელსაც გატანილი და მიღებული ლელოების უკეთესი სხვაობა ექნება ამ ორ მატჩში

ბ) რომელიც ნაკლებ დისციპლინარულ სასჯელს (ჯერ წითელ, მერე ყვითელ ბარათს) მიიღებს ამ ორ მატჩში

გ) რომელსაც უკეთესი ადგილი ეჭირა თავის ჯგუფში (დას 1, აღმ 1)

2.3.2 მეორე ტურში ერთი მატჩია – ფინალი ნეიტრალურ მოედანზე

მოგებული ხდება რეგიონული ლიგის ჩემპიონი (იკავებს I ადგილს), წაგებული იკავებს II ადგილს

2.3.2.1 ფინალში ფრეზე ინიშნება ორი დამატებითი, 10-წუთიანი ტაიმი

2.3.2.2 თუ გამარჯვებული ამის შემდეგაც ვერ გამოვლინდა, გამარჯვებულად ცხადდება ის გუნდი:

ა) რომელმაც მეტი ლელო გაიტანა ამ მატჩში

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩში

გ) რომელიც მოიგებს მატჩის შემდეგ დანიშნულ შუთაუთს – 5 დარტყმა მიწიდან, 22-მეტრა ხაზზე, სამი ადგილიდან (დანართი #11)

2.3.3 რეგიონულ ლიგაში I ადგილზე გასული გუნდი შემდეგი, 2023-2024

სეზონისთვის I ლიგაში ასასვლელად ერთ-მატჩა დუელში ეთამაშება 2022-2023

სეზონში I ლიგის VIII ადგილოსანს

2.3.4 რეგიონულ ლიგაში II ადგილზე გასული გუნდი შემდეგი, 2023-2024

სეზონისთვის I ლიგაში ასასვლელად ერთ-მატჩა დუელში ეთამაშება 2022-2023

სეზონში I ლიგის VII ადგილოსანს

2.3.4.1 შეხვედრებს მასპინძელობს რეგიონული ლიგის გუნდები

2.3.4.2 დუელში ფრეზე ინიშნება ორი დამატებითი, 10-წუთიანი ტაიმი

თუ გამარჯვებული ამის შემდეგაც ვერ გამოვლინდა, გამარჯვებულად ცხადდება ის გუნდი:

ა) რომელმაც მეტი ლელო გაიტანა ამ მატჩში

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩში

გ) რომელიც მოიგებს მატჩის შემდეგ დანიშნულ შუთაუთს – 5 დარტყმა მიწიდან, 22-მეტრა ხაზზე, სამი ადგილიდან (დანართი #11)

2.4 ყველა ახალ-შექმნილი კაცთა გუნდი შემდეგ, 2023-2024 სეზონში ასპარეზობას იწყებს რეგიონალურ ლიგაში – გეოგრაფიული მდებარეობის მიხედვით

3. სავარაუდო ვადები

2022 წლის სექტემბერი – 2023 წლის მაისი

4. მატჩის გამართვის წესი

4.1. შეჯიბრის ეფექტური მართვის და გუნდების მომსახურების ხარისხის გაზრდის მიზნით, საქართველოს რაგბის კავშირი თითოეულ მატჩზე მიავლენს შესაბამის თანამშრომლებს, რომლებიც მასპინძელი გუნდის პერსონალთან და მატჩის ოფიციალურ პირებთან ერთობლივად მოახდენენ მატჩის ორგანიზებას.

4.2. მატჩის ორგანიზებაში ჩართულ პირთა სავალდებულო ფუნქციები:

მატჩის კომისარი	მთავარი როლი: უზრუნველყოს მოედნის დათვალიერება, სტადიონის ტექნიკური დათვალიერება, გასახდელეები, მსაჯის ოთახი, ტელევიზია, ინტერნეტი, ჩაატაროს ბრიფინგი მატჩის მომსახურე პირებთან, სტადიონის ტექნიკურ პერსონალთან და დაცვასთან, ყინული, ცყალი, მოსაცმელები (გუნდები, ექიმები, ტექ.პერსონალი, ტელევიზია, ფოტოგრაფები)
(სრკ)	სტადიონზე უნდა გამოცხადდეს თამაშის დღეს, მატჩის დაწყებამდე 2 საათით ადრე, დანიშნოს ბრიფინგი და ყველა პასუხისმგებელ პირთან ერთად გაიაროს თამაშის გეგმა მატჩის მსვლელობის ყველა აქტივობის (ჯარიმა, ლელო, გარდასახვა, შეცვლა, ტრავმა და სხვა) აღრიცხვა
გუნდების მენეჯერები	მატჩის მეთვალყურესთან თამაშის წინ სხვადასხვა ტექნიკური დეტალების შეთანხმება; მეთვალყურისთვის სათამაშო განაცხადის დროულად შევსება და მიწოდება; გუნდის მოთხოვნების შესრულება; გუნდის მიერ მატჩის სცენარის დაცვის უზრუნველყოფა და ა.შ. მასპინძელი გუნდის მენეჯერი ასევე ითავსებს ბურთის მომტანების მართვას
ბურთის მომტანების მენეჯერი (მასპინძელი კლუბი)	პასუხისმგებელია ბურთის მომტანების დროულად მოსვლაზე და განლაგებაზე
ბურთის მომტანები (მასპინძელი კლუბი)	გუნდებისთვის ბურთის დროულად მიწოდება
მატჩის ექიმი (სრკ)	თამაშის დღეს სამედიცინო ოთახის გამართული მუშაობა, სტადიონზე სასწრაფო დახმარების ბრიგადის მისვლის უზრუნველყოფა

შენიშვნა: სრკ-ს მიერ მივლენილი პირები ითვლებიან მატჩის ოფიციალურ პირებად

4.3. კლუბები (გუნდები) ვალდებული არიან ითამაშონ “ჟილბერტის”, „რაინოს“, „მაკრონის“ ან „RAM“-ის ფირმის ბურთით. მასპინძელი გუნდი ვალდებულია მატჩზე წარმოადგინოს მინიმუმ 3 სათამაშო ბურთი.

4.4. რეგიონალური ლიგის გათამაშებაში მონაწილე კლუბები (გუნდები) ვალდებული არიან მატჩის დაწყებამდე მინიმუმ 1 საათით ადრე წარმოადგინონ გუნდის განაცხადის საბოლოო ვერსია, რომელშიც მომდევნო შესწორების შეტანა დასაშვებია მხოლოდ განსაკუთრებული საპატიო მიზეზის არსებობის შემთხვევაში (ტრამვა, დადასტურებული ავადმყოფობა, უბედური შემთხვევა, განსაკუთრებული მნიშვნელობის ოჯახური და/ან პირადი მდგომარეობა). ამ წესის დარღვევის შემთხვევაში კლუბს დაეკისრება სადისციპლინო რეგულაციით გათვალისწინებული სანქცია.

5. მატჩის მასპინძელი გუნდის ვალდებულებები

5.1. მატჩის ეფექტურად ორგანიზების მიზნით, მასპინძელი გუნდი ვალდებულია:

5.1.1. ჩაატაროს მატჩები საშეჯიბრო განაცხადში მითითებულ სტადიონებზე.

5.1.2. უზრუნველყოს სათამაშო მოედნის და პერიმეტრის მზადყოფნა მე-6 მუხლის („რაგბის სათამაშო გარემოს სტანდარტი“) თანახმად.

6. რაგბის სათამაშო გარემოს სტანდარტი

6.1. რეგიონული ლიგის თამაშები შეიძლება გაიმართოს როგორც ბუნებრივსაფარიან, ისე ხელოვნურსაფარი მოედნებზე.

6.2. პირველ ლიგასთან გადათამაშება, სრკ-ს მიერ ამ მატჩის ტრანსლირების შემთხვევაში, გაიმართება რეგიონალური ლიგის გუნდის მიერ შერჩეულ ბუნებრივსაფარიან მოედანზე, გარდა იმ შემთხვევებისა, როდესაც ბუნებრივი მოვლენების გამო არამიზანშეწონილია ზემოაღნიშნული ტიპის მოედნების გამოყენება, რის შესახებაც მონაწილე კლუბებს (გუნდებს) წინასწარ, 24 საათით ადრე ეცნობება.

6.3. ტერმინთა განმარტება:

6.3.1. სათამაშო მოედანი - ფართობი კარის და აუტის კიდის ხაზებს შორის.

6.3.2. ჩათვლის (ლელოს) მოედანი - ფართობი კარის ხაზიდან ლელოს უკანა და მისი აუტის (კიდის) ხაზებს შორის.

6.3.3. სათამაშო არე - ფართობი სათამაშო მოედნისა და ლელოს მოედნების ჩათვლით. პერიმეტრი - სათამაშო არის ოთხივე მხრიდან არსებული გარემომცველი ე.წ. უსაფრთხოების ზოლი.

6.3.4. სათამაშო გარემო - ფართობი სათამაშო არისა და პერიმეტრის ჩათვლით.

6.3.5. ტექნიკური ზონა - პერიმეტრის ზოლში მწვრთნელის, წყლის მიმტანისა და ექიმისათვის გამოყოფილი ადგილი.

6.3.6. ლუქსი - განათებულობის საზომი ერთეული.

6.4. მოედნის ფორმა, დახაზვა და ზომები:

6.4.1. სათამაშო არე მართკუთხა ფორმისაა.

სათამაშო არე უწყვეტი და წყვეტილი ხაზებით მსოფლიო რაგბის 1.3. სქემისა და 1.4.

1.5. და 1.6. რეგულაციების მიხედვით იხაზება.

6.4.2. ბუნებრივსაფარიანი სათამაშო და ლელოს მოედნის ზომები:

ზომა	სათამაშო მოედნის სიგრძე	სათამაშო მოედნის სიგანე	ლელოს მოედანი
მაქსიმუმი	100 მ.	70 მ.	22 მ.
მინიმუმი	94 მ.	68 მ.	6 მ.

6.4.3. ხელოვნურსაფარიანი სათამაშო და ლელოს მოედნის ზომები:

ზომა	სათამაშო მოედნის სიგრძე	სათამაშო მოედნის სიგანე	ლელოს მოედანი
მაქსიმუმი	100 მ.	70 მ.	22 მ.
მინიმუმი	94 მ.	65 მ.	5 მ.

შენიშვნა: მსოფლიო რაგბის 1.3. რეგულაციის მიხედვით, სათამაშო არის მინიმალური სიგანე 68, ხოლო ლელოს მოედნის სიგრძე კი 6 მეტრია.

6.4.4. თუ სათამაშო მოედნის სიგრძე 100 მ-ზე ნაკლებია, მაშინ 10 და 22 მეტრიან ხაზებს შორის მანძილი შესაბამისად უნდა შემცირდეს.

6.4.5. თუ სათამაშო მოედნის სიგანე 70 მ-ზე ნაკლებია, მაშინ მანძილი 15 მეტრიან ხაზებს შორის შესაბამისად უნდა შემცირდეს.

6.5. პერიმეტრი სათამაშო არიდან თანაბარი მანძილით უნდა იყოს დაშორებული (გარშემორტყმული), რომლის მინიმალური ზომები აუტის კიდის ხაზიდან 2 მეტრი, ხოლო ლელოს მოედნის აუტის ხაზიდან 2 მეტრი უნდა იყოს.

შენიშვნა: მსოფლიო რაგბის 1.3.(e) რეგულაციის მიხედვით, პერიმეტრის სიგანე, როგორც აუტის კიდის ხაზიდან, ასევე ლელოს მოედნის აუტის ხაზიდან სასურველია, რომ 5 მეტრზე ნაკლები არ იყოს.

6.6. ტექნიკური ზონა აუტის კიდის ხაზის გასწვრივ, 10 მეტრიან წყვეტილ და 22 მეტრიან ხაზებს შორის უწყვეტი ხაზებით იხაზება. მისი მინიმალური სიგანე 1 მეტრი, ხოლო სიგრძე კი 10 მეტრია, რომელიც აუტის კიდის ხაზიდან მინიმუმ 1 მეტრით უნდა იყოს დაშორებული.

6.7. სათამაშო გარემოს ზედაპირი:

6.7.1. სათამაშო გარემოს ზედაპირი ყოველთვის უნდა იყოს უსაფრთხო. ზედაპირი დასაშვებია იყოს ბალახის, ქვიშის, თიხნარის, თოვლის და ხელოვნური ბალახის.

6.7.2. სათამაშო გარემოს ზედაპირი დაუშვებელია იყოს მკვრივი (ხისტი) ბეტონისა და ასფალტის შესაბამისად.

6.7.3. სათამაშო გარემოს ზედაპირი არ შეიძლება იყოს ქვიანი, ღრმულებიანი, ტალღოვანი, შუშის, რკინის, პლასტმასისა და სხვა მსგავსი ნივთების ნამსხვრევებითა თუ ნამტვრევებით დანაგვიანებული.

6.7.4. სათამაშო გარემოში არსებული სარწყავი სისტემის თავები (სპრინკლერები) არ უნდა იყოს ამოშვრილი მოედნის ზედაპირიდან და ისინი გრუნტის სიღრმეში უნდა მდებარეობდნენ. ასევე აუცილებლობას წარმოადგენს პერიმეტრის არეში არსებული საკომუნიკაციო ჭის თავსახურების შეფუთვა.

6.7.5. სათამაშო გარემოს ზედაპირი თოვლიან ამინდში ყინულისგან უნდა იქნას გაწმენდილი, ხოლო მოედნის დატბორვის შემთხვევაში თუ იგი მოთამაშეებსათვის საფრთხის შემცველია მატჩის დაწყება მსაჯის დისკრეციულ უფლებას წარმოადგენს.

6.8. პერიმეტრის 2 მეტრიანი ზოლის მიმდებარედ, მის აშკარა სიახლოვით განლაგებული ობიექტები (ხე, რკინის ძელი, ბეტონის კონსტრუქცია, ღობე, კედელი და სხვა), რომლებიც შესაძლებელია მოთამაშისთვის საფრთხეს წარმოადგენდეს, სავალდებულოა შეიფუთოს ისე, რომ უსაფრთხოება იქნას დაცული.

6.9. სათამაშო გარემოს ტერიტორიაზე აკრძალულია მაგიდის, სკამების, სარეკლამო კონსტრუქციის, სავარჯიშო და სათამაშო აღჭურვილობის ჩანთების, შერკინების დაზვის, საბურავების, რკინის საგორავებლების და სხვა მსგავსი ტიპის ნივთების არსებობა, გარდა მატჩის კომისრისა და დროებით გამეგებებული მოთამაშეებისთვის (სინ ბინი) განკუთვნილი მაგიდა და სკამები.

6.10. სათამაშო გარემოში 14 ალამიანი სარი უნდა იყოს დასობილი, რომელთა მინიმალური სიმაღლე 1.2 მეტრია და ისინი მსოფლიო რაგბის 1.9. 1.10. რეგულაციის მიხედვით უნდა იყოს განლაგებული.

6.11. ყველა სარი შალითით შეფუთული და შეჯახებისას დრეკადი (კეცვადი) უნდა იყოს.

6.12. რაგბის კარის ზომები მსოფლიო რაგბის 1.7. სქემის მიხედვით რეგულირდება, მაგრამ ხარიხიდან ძელის მინიმალური სიმაღლე სასურველია 7 მეტრი იყოს.

6.13. კარის ქვედა ძელების შალითებით შეფუთვა სავალდებულოა, რომელიც კარის ხაზიდან მოედანში 30 სანტიმეტრზე მეტად არ უნდა გადიოდეს. შენიშვნა: თუ რომელიმე გუნდს პრეტენზია გააჩნია სათამაშო გარემოსთან დაკავშირებით, თამაშის დაწყებამდე მსაჯს და კომისარს უნდა მიმართოს. მსაჯი მოვალეა რეაგირება მოახდინოს და შეეცადოს პრობლემის გადაჭრას, მაგრამ მან არ უნდა დაიწყოს მატჩი თუ სათამაშო გარემოს რომელიმე ნაწილი საფრთხის შემცველია. (მსოფლიო რაგბის 1.11. 1.12. რეგულაციების მიხედვით)

6.14. სათამაშო გარემოს დამხმარე ნაგებობებია:

- გასახდელი ოთახები
- საშხაპეები
- საპირფარეშოები
- მსაჯების ოთახი
- სამუშაო სივრცე

- 6.15. 15-კაცა რაგბის ერთ გუნდზე მინიმუმ 23 მოთამაშეზე შესაბამისად მოწყობილი გასახდელია სავალდებულო, შესაბამისად მოწყობილი საპირფარეშოთი და საშხაპეებით, რომელიც ცივი და ცხელი წყლით თანაბრად უნდა იყოს უზრუნველყოფილი.
- 6.16. 7 კაცა/ქალა რაგბის ერთ გუნდზე მინიმუმ 12 მოთამაშეზე შესაბამისად მოწყობილი გასახდელია სავალდებულო, შესაბამისად მოწყობილი საპირფარეშოთი და საშხაპეებით, რომელიც ცივი და ცხელი წყლით თანაბრად უნდა იყოს უზრუნველყოფილი.
- 6.17. სასწრაფო სამედიცინო დახმარების მანქანა შეუფერხებლად უნდა გადაადგილდებოდეს, როგორც სამედიცინო ოთახის ან კარვის, ასევე სათამაშო გარემომდე მისასვლელ გზაზე.
- 6.18. მსაჯების ოთახი დამოუკიდებელი გასახდელით, საშხაპითა და საპირფარეშოთი უნდა იყოს მოწყობილი, რომელიც ცივი და ცხელი წყლით თანაბრად უნდა იყოს უზრუნველყოფილი.
- 6.19. დამოუკიდებელი კომისრის ოთახის არარსებობის შემთხვევაში, დასაშვებია სხვა ადმინისტრაციული ოთახის გამოყოფა, რომელიც შეჯიბრის დღეს კომისრის სრულ განკარგულებაში იქნება.
- 6.20. დამხმარე ნაგებობები, კერძოდ გასახდელი ოთახები, საპირფარეშოები და საშხაპეები ისევე, როგორც სათამაშო გარემოს მიმდებარედ არსებული საჯარო სველი წერტილები, ექვემდებარება ყოველთვიურ სავალდებულო დეზინფექციას, რომელიც ეპიდემიოლოგის მითითებების შესაბამისად უნდა განხორციელდეს.

7. შეჯიბრის სამედიცინო მომსახურების წესი

- 7.1. საქართველოს რაგბის კავშირი უზრუნველყოფს რეგიონალური ლიგის თითოეულ სასწრაფო დახმარების ბრიგად(ებ)ის დასწრებას.
- 7.2. რეგიონული ლიგის მონაწილე ყველა კლუბი (გუნდი) ვალდებულია სეზონის დაწყებამდე წარმოადგინოს მოთამაშეების სამედიცინო შემოწმების დამადასტურებელი დოკუმენტი (ფორმა #100), რომელიც უნდა მოიცავდეს (მინიმუმ):
- თერაპევტის კონსულტაციას
 - კარდიოლოგის კონსულტაციას (მსოფლიო რაგბის მიერ შემუშავებული კარდიოლოგიური სკრინინგის დოკუმენტაცია)
 - ეკგ-ს
 - კავშირი იტოვებს უფლებას გადაამოწმოს წარმოდგენილი დოკუმენტაცია.
- 7.3. თამაშის მასპინძელი კლუბი (გუნდი) ვალდებულია თამაშის დღეს უზრუნველყოს მატჩზე ექიმის დასწრება, რომელიც მოემსახურება ორივე გუნდს.
- 7.4. ყველა მოთამაშე, რომელსაც თამაშში დაუდასტურდება ტვინის შერყევა ტოვებს მოედანს/ არ ბრუნდება თამაშზე და ისვენებს მინიმუმ 8 დღე (19 წლამდე ასაკის მორაგბე ისვენებს მინიმუმ 14 დღე).
- 7.5. კავშირი ვალდებულია, გუნდის მოთხოვნის შემთხვევაში, წარმოდგენილი სამედიცინო დოკუმენტაციის საფუძველზე, განიხილოს გუნდში არსებული მიმდინარე სამედიცინო პრობლემა, რომელიც შეიძლება იყოს ვირუსი, ინფექცია ან სხვა, და მიიღოს თამაშის გადადების გადაწყვეტილება.